

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

XLIX.

[urn:nbn:de:bsz:31-122744](#)

XLIX. Hæc hactenus ab Alberto sibi ipsi contraria, (defendit enim sententiam, damnatos peccare, negantem) formabantur argumenta, ad quæ dissolvenda magno studio an-
nitoruntur. Subjicienda nunc nobis sunt ea, quæ apud alios subinde occurrunt. Nonum igitur argumentum ex Bona-
ventura, (qui & ipse opinionem contrariam tuerit) ab auctori-
tate vetustissimorum Patrum desumptum hoc est: *Augustinus de Fi-
de ad Petrum dicit, quod bonam habere nullatenus poterunt voluntatem. Sed
nolle se peccasse est voluntatis bone. Ergo non poterunt hanc habere. Ergo
si considerabunt peccatum suum, cum non posint nolle, ne esse habent velle.* Lo-
cum Augustini, vel quicunque libri illius auctor est, plenum re-
presentavimus, §. IV. Pertinent huc, ne idem argumentum
otiosè repetamus, quæcunq; ex cœteris Ecclesiæ Patribus ad sen-
tentiam hanc confirmandam corrogantur. Quamquam enim hoc
argumenti genus nullatenus ejusdem roboris & momenti sit cum
eo, quod ex S. Literarum auctoritate, sive verbis formalibus sive
consequentiarum virtute concludente deducitur, non exiguum
tamen ad persuadendam veritatem pondus est, fideles ejus ætatis,
quæ in eruditione Sacra & studio pietatis hanc nostram longè su-
peravit, audire sibi consentientes. Non autem adducemus eos
ex vetustissimâ antiquitate Patres, qui tales ubique, cum de infer-
nalibus malis agunt, ponunt doctrinas, ex quibus liquidò fluit,
damnatis varia competere peccatorum, vitiorumq; genera, sed iis
contenti erimus, qui eorum nominatim faciunt mentionē. Chry-
stost. Serm. III. ad Phil. *Peccata in inferno exuere non licet.* Auctor libri
de triplici habitaculo: *Lacus inferni plenus est tenebrarum, discordie,
odii, stultitiae, amaritudinis, offendit.* Origenes II. Periarch. c. XI.
p. 707. Requiris sanè, si hi, qui vitiorum malis irretiti sunt, nec emendatio-
nis aliquid in hac vita adhuc positi comparare sibi met potuerunt, & ita ex hoc
mundo abscesserant, sufficiat illis ad pœnam, quod illis ipsis perdurantibus in se
noxiis affectibus, cruciantur, id est, vel ira, vel furor, vel insanie, vel mero-
ris, quorum utique mortiferum virus nullo in hac vita emendationis medica-
mento mitigatum est: An his affectibus immutatis generalis pœna stimulus re-
vivabuntur? (ita circumscribit Rufiniano ore quæstionem: an per
ipsum peccatum an per pœnam à peccato diversam puniendi sint
olim damnati ?) Sed & aliorum suppliciorum speciem intelligi arbitror
posse,

posse, quia sicut sentimus soluta corporis membra atque suis invicem avulsa compagibus immensi doloris generare cruciatum: ita anima cum extra ordinem atque compagem, vel eam harmoniam, ad quam ad bene agendum & utiliter sentiendum a Deo creata est, fuerit inventa, nec sibi met ipsi rationabilium motuum compagine consonare penam cruciatumque, putanda sit suimet ipsius ferre disfidi & inconstantiae sue atque inordinationis sentire supplicium. Quæ animæ dissolutio atque divulsio, cum adhibiti ignis ratione fuerit explorata, si ne dubio ad firmorem sui compagem, in restorationemque solidatur. Hugo Victorinus IV. de An. c.XIII. Omnis, qui est in inferno, odit se & omnes alios. Bernhardus, de Verb. Orig. In inferno solum peccatum & pena peccati. Innocentius III. de cont. mund. c.X. Male dicent dannati altissimo & blasphemabunt excelsum.

L. Decimum apud Bonaventuram argumentum desumitur à conformitate damnatorum cum angelis malis & hoc est: *Voluntas hominis post mortem est invertibilis, sicut voluntas angeli mali.* Sed angelus malus vult se peccasse. Ergo. A statu malorum angelorum in inferno ad statum damnatorum ex duplice causâ legitima est collectio, primò, quia sicut i bonis angelis salvati similes futuri dieuntur, ita malis ex contrario damnatos conformes fieri necesse est. Hinc in eundem eum ignem conjicientur damnati, qui preparatus est diabolo & angelis ejus, ut eandem in illo cum diabolo pœnam sustineant. Matth. XXV.41. Deinde, quia ea ipsa argumenta, quæ damnatos peccare non posse, probant, illud idem de dæmonibus quoque evincunt, ut suo loco ostendetur. Ergo in contrarium, si non obstantibus pro impeccabilitate damnatorum rationibus, dæmones revera peccant, damnati quoque peccabunt; aut certè ostendenda est diversitatis ratio, cur justitia Divina dæmonibus, qui licet hominem seduxerint, nullam tamen gratiam, quippe quæ ipsis oblata non est, sicut damnati, petulanter spreverunt, aliam, quam damnatis, qui duplice jure pereunt, admetiatur pœnam: vel certè, cur justitiae, cur sanctitati, cur sapientiae Divinæ repugnet, damnatos peccare, non autem repugnet, peccare dæmones? Jam vero aut dicendum est, dæmones actu pœnâ infernali torqueri. Rupertus, libro I. de Victor. Verb. D. c.XVII. *Sciendum est, ait, quia, quocunque se vertat, pœnam suam secum portat,* (Diabolus) & plaga ignis, ignitorum lapidum, quæ semel est fulminatus, intrinsecus in

ipso